

بحریہ: پیری رئیس۔ ناشر و مترجمی: پروفیسور اربل قالہ Bahrije, das Türkische — Segelhandbuch für das Mittelländische Meer von Jahre 1521, Paul Kahle, Band I, Text, I Lieferung; Band II. Übersetzung, I Lieferung. Walter de Gruyter G°, 1926. تورکجه متنی و آلمانجه ترجمه سی - برنجی جلد ؛ ایکی جزؤ - برلین و لایپزیغ ۱۹۲۶ - طابع: والتر دوغرویتھر - متک فیاتی ۵۵ مارق ، مترجم قسمک فیاتی ۱۲ مارق .

عثمانلی ایمپراطورلنی ، استانبول فتحندن سوکرا ، یاواش یاواش برقوہ بحریہ صاحبی اولغه چالیشمشدی. اوروپانک شرق جنوبیسنده قوتله برله شدکدن سوکرا، آوروپاسیاست عمومیہسنده دها مؤثر اولایلیمک وبالخاصه آطه لرد کزنده حاکمیتی محافظه ایتک ایچون، آرتق بو، برضرورت حالنی آلیوردی. دها «سلاجوقیلر» و مؤخرأ «آیدین اوغوللری»، «صاروخان» و «قره سی اوغوللری» دورندن باشلا بهرق «دکز جیلک» ه بیکانه قالمایان، حتی «آیدین اوغولغازی او موربک» کی معروف دکز قهرمانلری یتیشدیره ن آناطولی تورکلاری ایچون، «آق دکز» هیچده یابانجی بر ساحه دکلدی. دو قوزنجی عصر ده «کمال رئیس» کی بویوک تورک دکز جیلرینک «آق دکز» ده باشلایان فعالیتلری، مؤخرأ، اعظمی سرعت و قوتله انکشاف ایتمش، عثمانلی ایمپراطورلنی «قانونی» دورنده آوروپانک الک قوتلی بحری دولتلرندن بری و بلکه برنجیسی موقعنی آلمشدی. «یاووز» ک مصر و ایران غالبیتلرندن سوکرا یعنی شرق ایشلرینی تسویه بی متعاقب، ک بویوک آرزوسی، آوروپاده واسع مقیاسده فتوحاته باشلامقدی؛ و بونک، هرشیدن اول، غایت قوتلی بردونانمایه محتاج اولدینی قناعتمده بولونیوردی. «آصفنامه» مؤلفی وزیر «لطیف پاشا» نک بو خصوصده کی افاده سی، «یاووز» ک یالکوز شرق سیاستی تعقیب ایتدیکنی ادما ایدنه نارنجیلرک نه قدر آلدان دیغنی کوستریور!

قانونی دورنده کی بویوک دکز حربلرندن اول، تورک دکز جیلرینک عظیم فعالیتی سایه سنده «آق دکز» حقنده اله ایدیلن مهم جوغرافی معلوماتی، «کمال رئیس» ک همشیره زاده سی اولان مشهور «پیری رئیس»، پک کوزهل خریطه لرله برلکده - ۹۲۷ سنه سنده یازدیغنی - «بحریه» نام اثرنده طوپلامش و تنظیم ایتشدر. و اثردن چوق استفاده ایتش اولان «کاتب چلبی» نک بریدیکی معلوماته کوره، آق دکزک ناملی رئیسلرندن اولان «پیری رئیس»، مؤخرأ مصر قاپتانی اولوب بحر محیط هندی سفرلرنده حسن خدمت ایتش، و نهایت ۹۶۲ ده بصره والیدی «قباد پاشا» نک ظلم و سعا یتیله مصرده اعدام اولومشدی. بو «قباد پاشا» - «عالی» نک

«کنه الاخبار» نده [غیر مطبوع قسم، خصوصی کتبخانه مزده] و اوندن نقلاً «پچوی» تاریخنده [ج ۱، ص ۳۵] یازیلدیغی وجهله - رمضان اوغوللرندن «پیری پاشا» نك لاب قازده شی اولوب، ابتدا «قادینلرک اعدامی» اصول ظالمانه سنی احداث ایتیش، چوق خشین، قابا، جاهل بر آدمدی؛ حتی بو بوک شاعر «باقی»، پاشا ۹۶۳ ده حلب والیسی ایکن اوکا «هلال» ردیفلی مشهور قصیده سنی تقدیم ایتیشسه ده، مقابله سنده هیچ بر تلطیف کورمه مشدی. «کاتب چلبی»، «جهان نما» سنده، بو اترک بری بو بوک دیکری کو چوک ایکی مختلف نسخه سنی کور دیکنی، مفصل نسخه ده کیجیلیکه متعلق نظملر و بعض فضله تفصیلات بولوندیغی سویله دکن صوکر، «کرك نظمك كرك نثرينك قابا صابا کیمی لسانی اوزره» اولدیغی اعترافندن ده چکینمز. فی الحقیقه، اترک طرز افاده سی اویله مصنع و منشیانه دکل، موضوعیله متناسب بر صورتده ساده، بسیط، و اولدجه درستدر. ینه عین مؤلف، «تحفة الکبار» نده ده، «آق دکزه حائد بوندن باشقا تورکجه کتاب بولونمادیغی جهتله اکثر دریاده کزه نلرک بوکا مراجعت ایتدکلرینی» سویله مک صورتیه، «بحریه» نك علمی اهمیتی اعتراف ایتمکده در.

«پیری رئیس»، کتابنک مقدمه سنده، بومهم موضوعه دائر الده هیچ بر اثر موجود اولمادیغی و کندیسنک «کمال رئیس» له بر لکده کزدیکی اثناده «آق دکزه» ک هر طرفی «عین الیقین» تتبع ایله دیکنی سویله رک، اثرینک اهمیتی آکلاتیور. دو قنور «تشنه»، بوجلد مزده ترجمه سی منتشر «عثمانیلر ده جوغرافیا» عنوانلی مقاله سنده، پیری رئیسک ایتالیان خریدلرندن استفاده ایتدیکنی، و مع مافیله او خریدلرک بو کون میدانده بولونمادیغی سویلرکه، بو تقدیرده «بحریه» نك قیمتی تناقص دکل بالعکس تزاید ایتیش صایلا بیلیر. اپی زماندن بری آوروپا علم مالنک نظر دقتنی جلب ایدن و آوروپا کتبخانه لرنده ده مختلف کوزه ل نسخه لرینه تصادف اولونان بو قیمتلی اثر دن ابتدا «هرزوغ» اسمنده بر آلمان عالمی «۱۵۲۰ سنه سنده آطه لر دکزی حقنده تورکجه بر اثر» عنوانلی بر مقاله سنده اپی اطرافلی بر صورتده بحث ایتیش، مؤخر آ «زاخاو» عین اترک «سیجیلیا» یه و «اوبره و ممر» ده «قبریس» ه حائد قسملرینی ترجمه و نشر ایتشلر در. کذلک ینه «هرزوغ» استانبولده کی نسخه لر حقنده ده بر از معلومات ویرمشدیر.

«بون» دارالفنوننی السنه شرقیه مدرسی پروفیسور «پاول قاله» نك اوزون مدتدن بری بو اثرله مشغول اولدیغی، «فرانچ تهنه» ک یوقاریده ذکر ایتدیکمز مقاله سنندن او کره نمشدک.

اخيراً محترم ناشری طرفندن اهدا ایدیلن ایکی جلد، مومالیهک بو بویوک ومهم تشبته کمال موفقیتله باشلادیغنی کوستردی. تورک جوغرافیاجیلغنک المخلد واک «اوریزینال» محصوللردن بری اولان و اثری نشر ایتمکله، پروفسور «قاله» یالکز علم طلمنک تقدیراته دکل، عین زمانده تورکلرک حرارتلی تشکر لرینه ده استحقاق کسب ایتمش اولیور. فی الحقیقه، بو، اوزون مساعی به مفتقر و جوق بوروجی برشیدر: بر طرفدن «بحریه» نک «بولونیا» ده کی نسخه سنی عیناً نشر ایتمک، دیکر طرفدن اونی - سائر نسخه لرله د. مقابله صورتیه - ترجمه، تحشیه وایضاح ایله مک، اویله قولای برایش دکلدر. متنی و آریجه آلمانجه ترجمه سی نشر ایدیلن قسم [۱-۲۸] بانی احتوا ایدیور؛ حالبوکه اثرک هیئت مجموععه سی ۱۳۰ بادن مرکبدر. دیکر قسملر ترجمه لر یله برابر آریجه داها درت جلد تشکیل ایده جک، و آریجه هر جلدده مفصل حاشیه لر علاوه اولونه جقددر. ترجمه نک باش طرفنده «پیری رئیس» و «بحریه» به عائد اوزون و پک اطرافلی بر قسم موجوددر که، جداً قیعتلی تدقیقات محصولی اولان بو پارچه، تورک جوغرافیاجیلغنک شیمدی به قدر عادتاً مجهول قالان بر دوره سنی مکملاً تنور ایتمکده در. بو مقدمه ده «بحریه» نک اوروپا و استانبوله کی مختلف نسخه لر ی حقیقه ویریلن مکمل معلوماته علاوه، استانبول دارالفنون کتبخانه سی یازمه لر ی آراسنده بولونان کوزهل بر نسخه نک ده بالخاصه خریطه لر ی اعتبار یله شایان تدقیق اولدیغنی سویله مک ایستهرم. «فوجه - از میر» حقیقه مقدمه بو نسخه دن استنساخ ایتمش اولدیغم قسمی، مطبوع نسخه ایله مقایسه ایتم؛ متن اعتبار یله آراده شایان دقت برفرق یوق کبیدر. ینه دارالفنون کتبخانه سنده - سابق «ییلدیز کتبخانه سی» ندن نقلاً - موجود اولان دیکر بر نسخه ده بالخاصه شایان دقتدر. متنک طبعنده کی نفاست و اعتنادن دولایی کتابک طابعی اولان «والتهر دوغرویتهر» مؤسسعه سی ده افتخار ایده بیلیور. بومهم و اهمیتی نسبتنده آغیر ایشک بر آن اول اکالنی تمی ایده رکن، «بون» دارالفنونک عالم و غیور مدرسینی بو موفقیتندن دولایی حرارتله تبریک ایده رم.

کومر بیلی زاده محمد فؤاد